

Broj: 09-14-6-2569-12/18
Sarajevo, 12.06.2018. godine

Na osnovu člana 72. stav (3) Zakona o javnim nabavkama („Službeni glasnik BiH", broj: 39/14), a na prijedlog Komisije za javne nabavke, imenovane Rješenjem, broj: 03-05-1-1669/18 od 13.03.2018. godine, federalna ministrica financija/finansija
d o n o s i

ODLUKU
o izboru drugorangiranog ponuđača za nabavku roba
nabavka i ugradnja unutrašnjih zastora za potrebe
Federalnog ministarstva financija/finansija

I

U postupku javne nabavke roba – nabavka i ugradnja unutrašnjih zastora za potrebe Federalnog ministarstva financija/finansija, ugovor o javnoj nabavci dodjeljuje se drugorangiranom ponuđaču **BOSNA – KOM d.o.o. Gračanica, za ukupnu ponuđenu cijenu u iznosu od 24.880,00 KM bez PDV – a.**

II

Ponuda ponuđača iz tačke I ove odluke ocijenjena je prihvatljivom, jer ispunjava sve uvjete postavljene tenderskom dokumentacijom.

III

Za realizaciju ove odluke zadužuje se Sektor za ekonomsko - finansijske i zajedničke poslove ovog Ministarstva.

IV

Ova odluka objavit će se na web stranici Federalnog ministarstva financija/finansija, u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

V

Odluka stupa na snagu danom donošenja, a Odluka o izboru najpovoljnijeg ponuđača, broj: 09-14-6-2569-9/18 od 06.06.2018. godine, stavlja se van snage i prestaje da važi.

O b r a z l o ž e n j e

Postupak nabavke pokrenut je Odlukom o pokretanju postupka, broj: 09-14-6-2569/18 od 13.04.2018. godine. Javna nabavka provedena je putem konkurentskog zahtjeva za dostavu ponuda. Procijenjena vrijednost nabavke iznosila je 25.000,00 KM bez PDV-a i predviđena je Planom javnih nabavki za 2018. godinu Ministarstva, dio I Robe, pod rednim brojem 1. – nabavka i ugradnja unutrašnjih zastora. Obavijest o nabavci 810-7-1-34-3-3/18 poslana je na objavu 04.05.2018. godine, te je zajedno sa tenderskom dokumentacijom, broj: 09-14-6-2569-1/18, istog dana objavljena na portalu Javnih nabavki.

Tendersku dokumentaciju preuzelo je 11 privrednih subjekata, a 4 (četiri) ponuđača dostavili su ponude u predmetnom postupku nabavke. Sve ponude dostavljene su blagovremeno. Ponude su dostavili sljedeći ponuđači: Žaluzine Style d.o.o. Zenica, Bosna - Kom d.o.o. Gračanica, Inter-com d.o.o. Zenica i Mikado d.o.o. Sarajevo.

Komisija za javne nabavke, imenovana Rješenjem, broj: 03-05-1-1669/18 od 13.03.2018. godine, izvršila je pregled i evaluaciju svih pristiglih ponuda, te konstatovala da su od ukupno 4 (četiri) zaprimljene ponude, u konačnoj ocjeni ponuda 2 (dvije) ocijenjene kao prihvatljive, a 2 (dvije) odbačene kao neprihvatljive. Prihvatljivim su ocijenjene ponude ponuđača: Žaluzine Style d.o.o. Zenica i Bosna – Kom d.o.o. Gračanica.

Odlukom o izboru najpovoljnijeg ponuđača za nabavku i ugradnju unutrašnjih zastora za potrebe Federalnog ministarstva financija/finansija, broj: 09-14-6-2569-9/18 od 06.06.2018. godine, kao najpovoljniji ponuđač izabran je ponuđač Žaluzine style d.o.o. Zenica.

U skladu sa članom 45. Zakona i tačkom 5. tenderske dokumentacije, broj: 09-14-6-2569-1/18 od 04.05.2018. godine, izabrani ponuđač bio je dužan, da u roku od 5 (pet) dana od dana dostavljanja odluke o izboru, dostavi originale ili ovjerene kopije dokumentacije iz člana 45. stav (1) tač. a) do d) Zakona.

Ponuđač Žaluzine style d.o.o. Zenica dostavio je nedostajuću dokumentaciju iz člana 45. stav (1) tač. a) do d) Zakona blagovremeno, te je Komisija za javne nabavke izvršila pregled iste i konstatovala da je ponuđač dostavio sljedeću dokumentaciju: Uvjerenje Uprave za indirektno – neizravno oporezivanje Regionalni centar Sarajevo, broj: 02/6/II-16-11-20-4151-1/18 od 21.05.2018. godine, Uvjerenje Općinskog suda u Zenici, broj: 043-0-Su-R I-18-001262 od 21.05.2018. godine, Potvrdu Suda Bosne i Hercegovine, broj: 03-1160/18 od 26.03.2018. godine i Uvjerenje Porezne ispostave Zenica, broj: 13-4/1-15-4-4704/18 Č.A. od 28.05.2018. godine.

Tačkom 5. tenderske dokumentacije propisano je da dokumentacija mora biti dostavljena u originalu ili ovjerenim kopijama, a ista ne smije biti starija od 3 (slovima: tri) mjeseca od dana dostavljanja ponude, a sve u skladu sa članom 72. stav (3) tačka a) Zakona. U slučaju da izabrani ponuđač ne dostavi u ostavljenom roku definiranu dokumentaciju, kojom se dokazuje ispunjavanje postavljenih uvjeta, ugovor će se dodjeliti sljedećem ponuđaču sa rang liste. Naime, izabrani ponuđač mora ispunjavati sve uvjete u momentu predaje ponude, u protivnom će se smatrati da je dao lažnu izjavu iz člana 45. Zakona.

Ponuđač Žaluzine style d.o.o. Zenica dostavio je u ponudi Izjavu iz člana 45. Zakona od 11.05.2018. godine, a otvaranje ponuda izvršeno je 16.05.2018. godine u 10:30 časova, što znači da je u momentu predaje ponude odnosno davanjem Izjave trebao da ima obezbjeđenu predmetnu dokumentaciju.

Iz dostavljene dokumentacije (osim Potvrde Suda Bosne i Hercegovine od 26.03.2018. godine), vidljivo je da je ista obezbjeđena naknadno, te je Komisija dala preporuku ugovornom organu da se ugovor o javnoj nabavci, dodjeli sljedećem ponuđaču sa rang liste, u skladu sa odredbama tenderske dokumentacije i člana 72. stav (3) tačka a) Zakona.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, može se izjaviti žalba Uredu za razmatranje žalbi putem ugovornog organa - Federalnog ministarstva financija/finansija, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke. Zalba se podnosi u najmanje 3 (tri) primjerka.

MINISTRICA

Jelka Milićević



Dostaviti:

1. Svim ponuđačima u postupku
2. U dokumentaciju Komisije
3. Sektoru za ekonomske, finansijske i zajedničke poslove
4. a/a